



Ergamaan Rabbii -Rabbiin rahmataa fi nageenya isaan irratti haa buusu- khuxbaa dhimmaa nu barsiisani

Abdullaah ibnu Mas'uud irraa akka odeeffametti -Rabbi isa irraa haa jaallatu- ni jedhe: Ergamaan Rabbii -Rabbiin rahmataa fi nageenya isaan irratti haa buusu- khuxbaa dhimmaa nu barsiisani: Innal hamda lillaahi, Nasta'iinuhuu Wa Nastaghfiruhuu, Wa Na'uuzu billaahi Min Shuruuri Anfusinaa, Man yahdi Allaahu Falaa Mudilla Lah, Waman Yudlil Falaa Haadiya Lah, Wa Ash-hadu An Laa Ilaaha Illallah, Wa Ash-hadu Anna Muhammadan Abduhuu Wa Rasuuluh, {Yaa Ayyuha Annaasu Ittaquu Rabbakumu Allazii Khalaqakum Min Nafsin Waahidatin WaKhalaqa Minhaa Zawjahaa Wabassa Minhumaa Rijaalan kasiiran Wa Nisaa'aa Wattaqu Allaaha Allazii Tasaa'aluuna Bihii Wal Arhaama Inna Allaaha Kaana Alaykum Raqiibaa} [Annisaa'a:1], {Yaa Ayyuha Allaziina Aamanu Ittaqu Allaaha Haqqa Tuqaatihii Walaa Tamuutunna Illaa Wa Antum Muslimuun} [Aala Imraan: 102], {Yaa Ayyuha Allaziina Aamanu ittaqullaaha Waquuluu Qawlan Sadiidaa Yuslih Lakum A'amaalakum Wa Yagfir Lakum Zunuubakum Waman Yuxi'i Allaaha Wa Rasuuluhu Faqad Faaza Fawzan Aziimaa} [Al-Ahzaab: 70-71].

[sirrii] [abuu daawud, tirmizii, ibnumaajah, nasaa'iifii ahmad odeessan]

Ibnu Mas'uud -Rabbi isa irraa haa jaallatu- Nabiyyiin -Rabbiin rahmataa fi nageenya isaan irratti haa buusu- akka khuxbaa dhimmaa isaan barsiisan hima, isiin isii yeroo khuxbaa irratti haasawa banan, dhimma isaanii duratti kan jedhamtuudha, akka khuxbaa nikaahaa, khuxbaa jum'aa fi kan boroollee. khuxbattiin tun hiika guddaa of keessatti qabatte, gosa faaruu hunda Rabbiin haqa godhachuu ibsuu, isatti qindeessuun maletti isuma qofa irraa gargaarsa barbaaduu, badii nama sattaruu fi irra namaaf dabruu fi hamtuu hunda irraa isaatti kooluu galuu, hamtuu lubbuu fi kan biroo irraa. Eegasii nabiiyyiin -Rabbiin rahmtaa fi nageenya isaan irratti haa buusu- qajeelumni harka Rabbiitti akka ta'e, nama inni qajeelche kan jallisu akka hin jirre, nama inni jallise kan qajeelchu akka hin jirre himani. Eegasii ragaa tawhiidaa dubbatani, haqaan gabbaramaan Rabbiin malee akka hin jirre, akkasuma ragaa ergaa, Muhammad gabricha Rabbii fi ergamaa isaa akka ta'eeti dubbatani. khuxbattii tana aayatoota sadeen kan sodaa Rabbiitti ajajuu of keessatti qabatteen xumurani, fuula Rabbii barbaachaaf waan inni itti ajaje hojachuu waan inni irraa dhoorge irraa faagaachuudha, mindaan nama sana hojjatee hojii fi jechoonni toluu akkasuma badiiwwan haqamuu, diliwwaniif araaramni argamuu, duuniyaa fi Aakhiraatti jireenya bareedduu fi guyyaa qiyaamaatti jannataan milkaa'uudha.

النجاة الخيرية
ALNAJAT CHARITY

